



Universitätsbibliothek Paderborn

**Libelli Cvivsdam Antverpiæ Nvper Editi Contra
Serenissimvm D. Ioannem ab Austria, Gubernatorem
generalem inferioris Germaniæ, qua parte conscientiæ, vt
vocant, libertas in eo requiritur, breuis & ...**

Lens, Jean de

Lovanii, 1578

Sextum ostendit non propterea correptionis officium praetermittendum esse, quod quibusdam nihil prodesse comperiat; quo pertinent illa D. Augustini: Qua[n]tum ad nos pertinet qui predestinatos à ...

urn:nbn:de:hbz:466:1-30345

CAPVT
V I.

NAM de experientia quod adiungit, ple-
 rumque compertum esse, nihil hac ratione
 profici in fide ac religione conseruanda; nū-
 quid propterea verum est, quod exemplis
 fortasse pauculis, interdum nihil effectum
 esse demōstrari posse videatur? Profert enim
 exemplum Germaniæ, in qua religiosissimi
 Imperatoris CAROLI QVINTI irritos
 asserit fuisse conatus. Quod etiã si ita omni-
 no se haberet, nū circa alios propterea po-
 pulos dormire debet seueritas discipli-
 næ? Nū alterū pater filiū flagris remotis pro
 sua libidine viuere patietur, propterea quod
 alterum nullo correctionis fructu castigat-
 rit? Videamus si Apostoli propterea quolibet
 alios & instruere doctrinis, & terrere
 diuinorum iudiciorum minis desierint, quia
 frustra ad alios lucrificandos his ipsis ratio-
 nibus laborarant. Qui nullos iactis in fini-
 stram retibus ceperat pisces, vbi se ad dex-
 teram cōuertēbant, copiosa sunt piscatione
 letati. Quoniam igitur incertū est, propter
 diuinæ prædestinationis arcanum, vbi, &
 apud quos vel nostræ correptionis officium,
 vel prædicationis labor, vel orandi sedula
 deuotio, vel ipsa postremò seueritatis disci-
 plina fructum habitura sit: idcirco nulli sunt
 omnino à cura nostra remouendi, sicut nul-
 lus est omnino, de cuius hic sit salute despe-
 randum.

randum. Varijs est curatio tentanda reme-
 dijs, & cum nihil doctrinae institutione, nihil
 monitis, nihil pollicitis, neq; blandimentis
 promouetur, ad seueriora quoque postea
 veniendum est. Forsitan & vexatio intel- *Isaie 28.*
 lectum dabit auditui. Cur enim censemus
 scriptū esse: Seruus verbis non potest eru- *Prover. 29*
 diri; nisi vt intelligeretur inefficacibus ali-
 quando verbis dura iungenda esse verbera?
 Malè autem viuendi vltrix disciplina præ-
 postera est, nisi cum præcedens bene viuen-
 di doctrina contemnitur. Quod si hac con-
 tempta, illa quoque circa nonnullos frustra
 sequuta sit, adeoque sint inflexibilia corda
 quorundam, vt & ad ipsa verbera magis ob-
 durescant; tamen ijs flagellatis vel alij sana-
 buntur qui paulo fuerint molliores, vel alij
 præseruabuntur qui fuerant pestilentissimo
 harseos contagio corrumpendi. Neque
 enim de nihilo scriptum reperitur: Mul- *Prover. 21*
 tato pestilente, sapientior erit paruulus.
 Quid autem & Gallia nobis exemplum
 obijcitur? cum obscurum non sit (vt ante-
 riorem ab Ariana hæresi purgationem præ-
 teream) grassantem in ea quondam Albi-
 gensium luem (cuius & hodie multi fordi-
 bus inquinantur) Catholicorum principum
 gladijs, annorum aliquot bello, repressam
 tandemque & extinctam esse?

Con-